

長沙縣志卷之三十

古蹟

實沈主晉爽鳩國齊人往世遠求其斷碣頽垣荒林破冢杳不可得然而博物君子往往能道之者迹息而籍存也今欲登定王之臺訪劉蛻之宅求馬王之三千冢其可得乎顧沿革代殊山川不改文獻足徵其必異乎按圖索驥志古蹟序

長沙縣志

卷之三十

古蹟

一

定王臺舊志在瀏陽門內善化縣境漢長沙定王發築臺以望母程唐二姬之墓即所稱雙女墓也臺廢址尚存長沙縣

治明初鄰定王臺

宋朱子定王臺詩云寂寞番君後光華帝子來千年餘故國萬事只空臺日月東西

見河山表裏開從知爽鳩樂莫作雍門哀張栻用元晦定王臺韻云珍重南山路驅羸幾度來未登喬嶽頂空說妙高臺曉霧層層斂奇峯面面開山間原自樂澤畔不須哀

定王岡通志在縣東一里寰宇記定王廟連岡一丈

蓼園述異記長沙定王故宮有蓼園

賈太傅宅寰宇記賈誼廟今在長沙縣即誼宅宅中有井上

圓下方韓退之井詩曰賈誼宅中今始見葛仙臺上昔曾窺

杜傳云賈誼井依然皆此志也又盛宏之荊州記湘洲南寺

之東賈誼有井水深上斂下大狀如壺即誼所鑿井



按賈太傅宅今隸善化境

飛虎寨通志在北門內府志相傳關壯繆與黃忠戰處後建廟宋史辛棄疾列傳乾道中知潭州疏乞建飛虎一軍寨名以此可以證舊書之訛

黃忠故宅府志前明改爲長沙衛署其盔甲器械貯北門城

樓上巡按查驗登報明末燬於兵長沙衛署明初及靖難諸

五年指揮邱廣創署於德潤門太乙寺舊址三十五年指揮

殷鈺復創於新開門宏治十五年楊溥修崇禎十六年燬於

兵國朝順治初因舊址建立後以地方僻處民稀兵眾仍

借宦宅以居後守備王翻移於屈賈祠右康熙十三年吳逆

距城拆毀衛職悉借居民房二十三年守備胡德麟查訪舊

址重建二十七年奉文裁衛將屯田歸併各縣署遂廢

局裏飛虎寨前相傳黃忠製兵器處

易元吉故宅在縣西府志唐易元吉工畫於舍後開園馴養

禽獸以資畫意

劉蛻故宅通志在縣城西北湘江邊唐進士劉蛻所居

戴氏堂在城內府志東一統志唐譙國戴簡築今廢柳宗元

東池戴氏堂記云宏農公刺潭三年因東城爲池環之九里

邱陵林麓距其崖坻島洲渚交其中其岸之突而出者水縈

之若玦焉池之勝於是爲最公曰是非離世樂道者不宜有

此卒授賓客之選者譙國戴氏曰簡爲堂而居之堂成而勝

益奇望之連檻縻楹與波上下就之顛倒萬物寥廓眇忽樹

之松柏杉檜被之菱芡芙蓉鬱然而陰燦然而陽凡觀望浮

游之美專於戴氏矣戴氏以文行累爲連率所賓禮貢之澤

宮而志不願仕與人交取其退遜受諸侯之寵不以自大其

離世歟好孔氏書旁及莊者莫不總統以至虛爲極得益

之道其樂道歟賢者之舉也必以類當宏農公之選而專茲

地之勝豈易得哉地雖勝得人焉而居之則山若增而高水

若闊而廣堂不待飾而已矣戴氏以泉池爲宅居以雲物

爲朋徒摯幽發粹日與之娛則行宜益高文宜益峻以道交

相贊者也既碩其內又揚於時吾懼其離世之志不果矣君

子謂宏農公刺潭得其政爲東池得其勝授之得其人豈

非動而時中者歟於戴氏堂也見公之德故不可以不記



**望湘亭** 通志 在縣西湘江濱 一名湘江亭 鄭谷湘江亭詩云湘水似伊人湘人非故人登

臨獨無語風 柳自搖春

**湘水亭** 通志 在縣西唐魏萬成所居 劉長卿宴魏萬成湘水亭詩云何年家在此江

濱幾度門前幾度春白髮亂 生相顧老黃鶯自語豈知人

**楚秀亭** 通志 在縣西北唐乾符間裴休鎮長沙時建 一名裴公臺

李羣玉陪長沙裴大夫登北樓詩云巖嶂隨高步琴尊奉勝 遊金風吹綠簟湘水入朱樓朗抱雲開月高情鶴見秋登臨

多暇日非為賦消憂宋辭綱裴亭雲樹詩云佳木陰陰繞屋 青舊傳刺史讀書亭伊唔聲斷寒雲裏無復銜花白鹿聽

**流杯亭** 通志 在城內馬氏修禊之所亭下有石名流杯池 徐

舉流杯池詩云楚王宮闕馬王宮惟有江山 帶舊風屬玉不知興廢事雙雙飛入藕花叢

**案流杯池** 在玉皇殿側俗呼為馬王塘

**春暉亭** 通志 在縣北徐氏建 蘇子瞻謫永州團練使至長沙 有題潭州徐氏春暉亭詩云瞳

長沙縣志 卷之三十 古蹟 三

瞳曉日上三竿客向東風竟倚欄穿竹鳥聲驚步武入簾花 影落盃盤勿嫌步月臨平圃好向乘槎問海灘勝概直應吟 不盡憑君寄與畫圖看

按東坡至長沙人罕知者有弔屈原賦

**雪蕉亭** 在縣北廖大隱建 偶作云循牆諸老樹初成高下風 來各有聲捲幔飽看無限綠儘教

鳩語喚陰晴攸縣劉友光為之記曰雪蕉亭者長沙廖子大 隱取其家之舊墟誅茅斷竹構以讀書延客也亭何以雪蕉

名未有亭時煙灌茂草綠延狼籍大隱從大雪中梳櫛瓦礫 種蕉數十本計綠到天而亭亦成意與右丞僵臥圖不謀而

合亭在郡北古所稱北津城鄺道元云登臨寓目塵郭之佳 憩即其地也亭北枕大江漁唱櫓鳥傳聲遞影度越女晴時

犯林檎嶽麓道林伯昆肩隨往來晴雨中荒唐大樹細碎香 草亭之南橋則盡收之亭以西阡陌縱橫可種彭澤之秫亦

可種中郎之豆又有伯氏屋在西頭雞鳴犬吠喧呼雜引每 一相憶屐步便通覺王績渡河猶為煩累曲沼前臨魴鯉不

肥水至清也長沙魚麥之鄉人無無魚之歎亦不足為食客 歌也園圃築後雨甲煙苗韭葵爛熳有客到門而盤殮殊媚

了未秋杪迄戊申夏初予以聽聽夏則沈瓜招以語冰秋則 隱憫余蹇頓春則傳柑招以聽聽夏則沈瓜招以語冰秋則



黏鶉剪鱗招南方未歸之魂雪則除門構火詠左思招隱之詞予亦謔浪忘憂相與述勳績則弔番君征西之墓陳忠節則下王琳李芾之淚漸義理則決南軒元晦之藩揚厲風雅則尋杜沈之遺潘李歐之殘碑男無巾袴女無鞵屨風俗之訛傳聞失實與大隱證之山有染紫之霜潭有染紅之露景物殊絕淹沒難窮與大隱借之憶予少際隆平長之士大夫多在西北之陲朱池翠幙迴日匝煙窮妙極麗曾不二十年入望悉黃茅白葦土木之勝人不獲安理有固然即以文靖之德而五畝不保為之歎頓絕大隱棲心幽素門庭蕭寂草萊不翦竹雖亭而風雨不蔽予嘗思郗鑒為戴逵構屋於剡曲嚴武為杜甫營草堂於浣花雖要人韻舉終為名士之累未若張融牽舟玉川破屋可以了然無繫大隱殆其人歟戊申八月十三日攸水劉友光書於柯怡園

**會春園在縣北湘春門外馬氏建即開福寺地**五代史楚世家天福四年

馬希範作會春園嘉宴堂其費鉅萬徐東野作詩中有數聯為當世所稱賞者珠璣影冷偏枯草蘭麝香濃覺損花山色遠堆螺黛雨草梢春夏麝香風衰蘭寂寞含愁綠小杏妖嬈弄色紅張棖集長沙開福蘭若故為馬氏避暑之地所謂會春園者寺之西被禊亭下臨湖光舉目平遠自為此邦登覽勝處也

長沙縣志 卷之三十 古蹟 四

**葵園通志在縣南亦馬氏所建府志在縣治北馬氏立有石**

刻葵花二字

**梅園通志在縣東十五里**宋張棖有王長沙梅園分韻得林字詩云令君五畝園不問蓬蒿深

江梅忽秀發邂逅成賞音一笑領諸客掃地坐牆陰清芳到酒面落蕊飄衣襟月出未忍去起舞獨微吟人自賞晤耳問花亦何心花雖有開落意則無古今須君戒勿折嘉實看成林

**叢桂園通志穀城王建**莊天合偕邦大夫飲叢桂園詩云偶從冠蓋後長嘯狎名園五馬如龍過

三春負日暄酒香花自媚歌細鳥無言醉眼雙橫白都忘郡牧尊賞心無限好最是草元亭處處堪浮白行行更踏青竹垂風自裊柳暗日初曛竟夕蘭膏續清談入窈冥

**榕樹園莊冲虛太史建**太史有園中雜咏十六首云自笑從前癖終年苦閉關不知精舍邇祇訝

夙緣慳問竹尋幽徑披林見遠山偶然心境會相對日忘還暫因逃暑至習慣卻重來風滌煩襟爽雲移望眼開無奇誰問字有興或銜杯隨意秋原上悠悠步履迴敲枕橫清簟時從午夢驚野泉穿石溜空響落松聲轉覺山中靜渾忘



世上名起來披寶偈且欲學無生 晝陰當午合老樹任婆  
娑風入琴尊消涼侵薜荔多狂來歌白紵醉裏把青荷更踏  
嫦娥影留歡待月歌 空塘明素練隔浦瀉寒流花是凌波  
出魚因戲藻浮煙輕時帶雨月浩迥臨秋最愛王摩詰翩翩  
輞口遊 蘭亭如在眼攀磴一相過拔地臨丹壑憑虛到綠  
波鴈隨流曲竹倚茂林多莫道山陰禊事傳晉永和 水  
樹披襟處中流日夜清客來杯裏渡魚樂鏡中行橋影支靈  
鵲波光蕩石鯨一尊聊復爾不必問蓬瀛 瑟瑟風千里盈  
盈水一灣自天移碧漢擁地入青山 蟹氣峯樓外蟬聲古樹  
閒何如彭澤令醉臥北窗閒 白日移輕棹沿溪引興長岸  
花明錦纜林雀下 牙樞浦逗葦葭亂洲同橘柚香自諸漁父  
意鼓柁咏滄浪 頗憶煙波叟眞思與世違不須元灞去已  
似鑑湖歸返照臨高閣空山隱翠微白衣相送罷乘月下漁  
磯低竹檻嵐氣溼松門似得登山路潮音迴欲翻 昔聞南  
海岸今日禮山阿想像青童引依稀白雀過花間餘淨土洲  
際見板橋開雲氣溼欄外颯風秋嶽麓低 西嶺湘江影北流何  
鳳樓窗開願託赤松遊 水天經歲隔聊此陟崔嵬已覺陵  
三島誰能賦七哀芙蓉千頃抱蝶雉萬家回賞勝看如此明  
朝好更來 湖海容高臥乘秋望不窮天連飛鳥碧霞散遠  
山紅蕩漾浮瀛海虛無到祝融楚臺如可接直欲嘯雄風

長沙縣志

卷之三十

古蹟

五

高棟方移午城陰半覆牆不知雲漠漠更覺樹蒼蒼  
斗逼銀河下秋空玉宇涼倩誰攜美酒邀月據胡牀

息機園在城內東廖元度所居

眺詩云籬落隨時補門寬任

意閣新詩吟以外老圃寄其問魚躍憐池小瓜稀恨土頑宮  
牆曾幾許遼鶴近誰還劉或飲息機園和韻詩云西風江上  
雁行斜小步城東處士家好客常藏千日酒陶情只種一園  
花品如秋菊孤而淡夢入春華好亦夸既醉不知天已晚喚  
人歸去是林鴉游乾爲之記曰夫潭州距洞庭絕嶺嶠西引  
黔巫東襟區豫躡絡降秀川嶽貢美雖方輿千里而蘊鬱淵  
宏故熊繹之受胙番君之分茅馬氏裂版舊代藩封是地重  
則育類蕃庶滋則情勢溢緣感而遷觴變成害機動而不自  
知此陰符所謂反覆天地也大隱先生百年華胄三世青瑣  
少而耽奇吞雲夢者八九中逢灰劫悟般若之色空乃闢地  
城隅樹陰十晦竹覆五楹名其居曰息機園余憩於其堂木  
几橫設圖書數卷鑪斂焰而灰寒塵滿架而帚挂入其室也  
敞榻緜衾客倦則休蒞黃粟脫腹盈而止及徐步其中庭虹  
泉遙迸於江麓龍谷虛吟於郭渚嘉疏品列媚目菁英野鳥  
時飛隨風下上晴嵐繞檻而回光奔澗奮流而呈籟籬鮮吠  
犬池雜鳴蛙琴不絃而蟬螂何捕神常惺而檀羅誰夢見青  
蟲之滿院忘長日之小年余憮然曰此大隱之所謂息機者



乎念吾人之稟於胎也鼻為祖承氣而發斯機習橫生小之  
蝸蠻觸蟻穴爭大亦倒崑崙決滄海宜陽解甲而炎火旋飛  
燭影方搖而崖門浪捲君雪蕉故館花謝芙蓉驃騎新營巢  
迷燕子況熊相之冢土蹟蕪三洞之長楊條合吳宮楚苑鵬  
血榛煙大隱以天地為廬太虛與處覺西山之歌襟期尚小  
商洛之芝香綸徒釣履斯園者魚之游江湖鷗之浮海溼穆  
然三古而與之相忘  
又何機之云息哉

梅塢通志在長沙城東宋張栻序云舊聞長沙城東梅塢甚

也癸巳仲冬始與客遊過東屯渡十餘里間玉雪彌望平時  
所未見也歸而為詩以紀之其詩曰平生客荆楚歷覽非一  
隅甯知城東路有此梅萬株瘦馬踏曉寒清風起菰蒲度溪  
上平坂頓覺景物殊霏霏下晴晝香霧迷前驅近坡與遠嶺  
玉立同一區老樹同塊特小枝亦敷映有如眾君子彙聚德  
不孤精麤無可揀酥酪與醍醐千枝未覺多此語信不誣班  
荆或憩正盤紆念此一斟勝賞諒難盡昭質知不渝我有十畝  
園邱壑回首桃李與之俱淡莫擲揄

荷花池在北門內一名蓮花池 宋王明清揮塵前錄紹興

長沙縣志 卷之三十

古蹟

六

池內得玉一片堪篆刻御寶詔卻之乾隆初年池上建遠香  
亭匝以迴欄池中雜植芰荷旁駕飛橋環砌花牆顏其門曰  
納涼深處內建臺榭額曰有君子風聯曰亭前皆淨植更饒  
竹雨松濤疑是引來仙境池外接園無數豆棚瓜架宛然  
繪出幽風撫軍楊錫紱聯云時倚曲欄貪看水不安四壁怕  
遮山為遊憩勝地嘉慶中旋廢咸豐年間重修亭橋花石諸  
勝皆復  
舊觀云

洗筆池在縣北書堂山唐歐陽詢父子讀書臺側明曹廷用

云洗筆跡存人去遠墨雲浮水尚依然臨池欲寫當年事碧  
草淒淒鎖暮煙 國朝龍孔然詩云墨雲池上蒸蓬勃我欲  
邀之潤筆花肉食閣黎消宿業鷺籠大令足傳家非無寶齋  
宵煙貯恐似豐碑霹靂譁莫把藏身鳥鱗擬千秋潭帖勒長  
沙

明月池縣西大街世傳池在長沙星下故不涸宋政和中令

取醴陵明月石置池上因名府志蔡江門盡節處張雄圖明

小池如井剛三尺傳道千人飲不竭  
一碧涵天不染塵都緣曾沁江門血



賜閒湖明吉藩賜顏副使者舊有亭臺樓榭今廢其湖爲植  
圃者灌溉之所俗呼爲四方湖

大四方塘在城內相傳明吉藩所鑿

梅花石在湘春門外古弔橋 關聖帝祠殿下嵌大石一方  
其色青上有白紋成梅老樹瑰特旁榦橫斜枝頭鑿一孔大  
如蓋相傳舊有梅實爲胡賈攫去

石筍在瀏陽門外榔梨市平地突出高數尺許屢斷而尺寸  
不減如竹筍然人咸異之

壽字石在臨湘都智度山路旁大石平坦上鐫壽字徑五尺  
楷法雋妙相傳爲呂純陽書今智度山有洞賓巖

臨湘門三字城南書院四字格古論宋張紫巖得意之筆

張浚

長沙縣志

卷之三十

古蹟

七

紫巖

古鐵塔在湘春門外鐵佛寺自下而上計七層供石佛三石  
羅漢十八有鐵柱如幢貫塔中長丈有四尺周圍尺有七寸  
重約百鈞上段刻宋李思明皈依慈氏佛發願文下段刻觀  
音大士陀羅尼咒進士董護書李昇鐫楷法雋妙乾隆四十  
年重修寺塔各大憲賦詩勒石嵌之塔上咸豐辛亥經兵燹  
塔遂廢鐵柱移置 學宮側文昌閣內文多爲鏽蝕剝蝕其  
點畫完好者僅數十字今從省志著錄於左

上三生皈依發願文 南無兜率天宮慈氏如來應正等覺  
願與合識速奉慈顏 南無兜率天宮慈氏如來應正等覺  
所居內眾願捨命已得生其中 南無兜率天宮慈氏如來



應正等覺願以上第一截隨彌勒下閻浮提龍華之會先得

授記 往生內院真言 □□□□□ 哩你 娑嚩訶

潭州管內觀察判官李思明發心鑄寫於塔普願一切有情

同生慈氏內院以上第一截千臂千眼觀世音菩薩陀羅尼

大身真言 那摩薩婆若耶 那謨喝囉怛那多囉夜也那

謨訶弭陁婆耶怛他羯多耶 阿囉訶鞞三以上第二截猿

三菩薩耶 那謨阿喇耶跋路枳帝 設嚩囉耶 菩提薩

埵耶 訶薩埵耶 摩訶迦嚩尼迦耶 那謨摩訶薩他摩

波囉鉢路耶 菩提薩埵耶以上第二截摩訶薩埵耶 摩

訶迦嚩呢迦耶 那謨毗捕羅毗摩那 素鉢喇底瑟恥多

僧棄耶 素喇耶舍多娑阿薩囉呵祇喇迦 鉢囉婆阿縛

長沙縣志 卷之三十 古蹟 八

婆悉多慕唵怛曳以上第三截摩訶末尼摩矩吒軍荼羅陁

唵呢 薄伽伐底鉢頭摩波拏 曳薩囉婆路迦□阿跋耶

奢摩那耶 毗毗陁毒佉三摩鞞舍吠瑟吒 薩婆薩埵

跋唾慕以上第三截者那耶 怛姪他 唵 勃部皤 摩

訶□□□□ 跋 哆摩悉底□囉 鉢吒囉 毗那舍那伽

囉耶 囉迦你吠沙摩訶慕訶闍 □囉迦 奢婆迦以上

截東面囉訖叉迦 薩婆波耶突喇揭底 鉢囉舍摩那羯

囉耶 薩婆怛他揭□ 三摩嚩跋那羯囉 □醜 □訶

菩提薩埵嚩囉馱 鉢頭摩路迦三步陁以上第四截摩訶

迦嚩尼迦 折吒摩矩吒楞訖唵多 舍喇□□□羯□迦

囉闍多跋折囉 住嚩耶 楞訖唵多舍喇下約缺婆視那



迦摩羅楞訖唎多 鉢囉以上第五截 幡囉那囉那哩者

那摩訶社那囉那利 多娑訶薩囉阿毗囉東面五行 多迦耶 摩

訶菩提薩埵毗跋以上第五截 毗跋西面五行 那舍耶毗那舍耶 摩訶

都嚕訖絲奢以上第五截 迦幡吒幡畔哆僧娑囉遮囉迦波

囉摩他那 布嚕沙鉢頭 布嚕沙那伽 布嚕沙娑伽囉

毗囉毗囉閣 素誕跢素誕跢鉢囉筏哩哆 馱麼馱麼

□□摩娑摩 度嚕度嚕 鉢囉以上第六截 奢薩耶 鉢

囉奢薩 祁籬祁籬 婢犁婢犁 只離只離 姥嚕姥嚕

姥瘦姥瘦 悶遮悶遮 度那度那 婢度那 婢度那

覩嚕覩嚕 伽耶□ 伽馱耶伽馱耶 喝娑喝娑以上第六截 六截西

長沙縣志 卷之三十 古蹟 九

麼麼寫 荷囉荷囉荷囉 僧荷囉僧荷囉 度嚕徵度

嚕徵 摩訶曼茶囉迦囉拏 含哆鉢囉細迦 幡娑娑

毗沙那舍以上第七截 摩迦 摩訶菩提薩埵 幡囉娜娑

訶 進士董護書開福寺傳法沙門道崧鐫經所有上件功德願

國泰民安風調雨順法界含靈俱登彼岸 宋淳化元年庚

寅歲李昇鐫字以上第七截 西面五行 乾隆四十年布政

今少司農會稽梁公重修長沙鐵佛寺之明年寺既畢工緝

宇煥發像敘重輝時則歲豐人和百物阜成余方攝官撫軍

乃率僚屬頂禮梵王介 釐返社香界清嚴咸稱盛舉遙

見寺門左方有塔巍然俯瞰江郭風雨久摧相輪墮陰慮匠

石不繼無以肅觀瞻普慈利也詢謀僉同檀施協力鳩工庀

材將拓規而加擴焉練日歲事除舊巒啟敞局得鐵柱如幢

貫塔中長丈有四尺圍圓尺有七寸首微銳有穿下砥平如

截頂刻蟠螭重約百鈞一鼓鎔成完好無缺爰命工剔抉鏤



薛環而文字悉露上為宋潭州判官李思明皈依慈氏佛發  
 願文下為觀音大士陀羅尼咒皆進士董護書寺僧曰道崧  
 鐫工曰李昇計字七百六十有奇楷法雋妙得未曾有餘維  
 顏書多寶柳書元秘並皆礱石垂示來茲至於鏤稱堅鐵疏  
 著夏書鑄勒銘文功歸治氏如景龍法性各鐘識款靡不發  
 型就範傾寫印成若此大書深刻鑿鑿精良洵屬奇觀考郡  
 志載唐開元時衡嶽降神舍鐵造佛兼鑄是塔塔之鐵柱唐  
 製無疑末署涪化元年庚寅豈宋修唐塔時所鑄與又考明  
 成化十二年及我朝康熙二十二年并經重修佛寺未及  
 修塔故塔柱無聞碑乘但言鑄塔亦不言鐵柱塔柱為鐵鐵  
 柱有文至是始顯蓋舍利堅固金剛不壞加以宏誓祕文真  
 言法寶天人擁護歷劫如新一時好古者日就摹搨奉為希  
 珍固其宜也於是督學使李公汪度廉使鄭君大進觀察倉  
 君聖裔梁君敦書汪君新郡守王君鳴歌詠其事繼聲屬和  
 者若而人共得詩若干首不啻集古金石諸編搜奇錄異提  
 唱宗風響達檐鐸於以首導眾生宣揚佛日塔與寺俱復舊  
 觀上祝聖壽永鎮江國尤足志慶也夫因序顛末與詩  
 並勒貞珉藉傳不朽云仁和李汪度寶幢鐵佛寺塔柱歌  
 云香溪幻影東光納衡山夢落禪扉闔湧現莊嚴宰堵波範  
 金那藉六州合飛輪盤迴擎柱高羊頭鑄作如牛腰真言劉  
 鑿筆力勁字裏光明放白毫潭州管內經千劫法華歸老清  
 風峽都官進士等煙雲誰識鐫工李昇法偉哉正覺具神通  
 古蹟

聚相不壞金剛同珠網還勞後賢出鐵幢肯為蒼苔封瓊椎  
 藤紙登登取蟬榻分貼比石鼓庚寅歲紀宋涪化墨妙何曾  
 翰內府異代鏤珉考撫遺窮搜徧及陀羅尼從今補錄馳煙  
 驛點正凡夫仗佛慈衡山曠敏本响樓云鐵佛寺東一塔  
 豎年深欲隕形如偃當事諸公圖修復式廓舊基重建樹塔  
 內一柱鐵鎔成柱鏤真言字可數方伯鄭公示榻本兼述觀  
 察梁公語兩公嗜古世所稀韓筆歐文瓣香譜謂此遺跡宜  
 有詠命我作歌歌鐵柱粵自李杜不可作昌黎才無柰石鼓  
 蘇軾詩膽大如身馳詞竟欲轢韓愈我無韓才與蘇瞻撫榻  
 手顫空畫肚外氏經梵滋詰屈行間句讀難著黜瞻其書者  
 李與董勁畫頗近河南褚擬將韻語譯真言巡檐仰屋後延  
 佇是日學使試古學試題塔柱七言古濫竿城南倚使院聞  
 之技癢攤片楮祇慚么麼秋蟲響寸莛敢將洪鐘拊卻思李  
 董摹刻日詎不欲後知有予真言豈比石鼓文鐫鏤堪憐心  
 亦苦假此塔若無焉崩金石遺刻誰復覩假合好古非諸公  
 當年經營亦委土豈其預揣有今日此地詩豪一時聚遂邀  
 嘉什為表揚還荷大方重嵌弄此亦付之想當然卻喜大地  
 墜全舉星沙城南高城北金湯形勢賴摺柱即今規畫崇且  
 闊豈惟踰舊十之五形標江月流洞庭影掣岳陽今退谷和曠  
 楚北有雄楚樓此塔亦合額雄楚揭陽鄭大進退谷和曠  
 岫嶼韻云天龍似聞一指豎古塔年深如病偃長沙百廢喜  
 俱興重修佛寺并塔樹余昔循資守畿南八載鎮州堪歷數



就中多寶翠華臨斷碣隋唐拾剩語維揚天中舊有名明月  
雙溪入畫譜猶憶八百捐緡錢歲未十紀更腐柱湖南地與  
百粵鄰韶州鑄船還鑄鼓云是南天多蛟龍木性畏金制之  
愈佛取鎮壓塔復然非惟著膊亦著壯警彼羅什在母胎天  
竺腹中暗點點唐時古刹餘唐風書法依稀見歐褚眞言垂  
世得眞如彼岸彷彿切延佇此閒溪州傳遺銘分時便欲角  
今古宋人三年嘗刻玉合教春色入毫楮疑聲疑聞疑證果  
柱處因緣資搏拊是去是來是現今無盡燈開疇付予君不  
見李潭州化人城中心獨苦又不見開福僧大千說法佛日  
睹我聞慧業先生天我喜佛天雷淨土我讀後先發願文翠  
竹黃花一時聚我愛歷朝金石言盤盂鐘鼎思藏弄法華陳  
蹟未遽溼道崧願力可復舉嶽麓西塔寺東左右湘江互擄  
拄岳陽南黃鶴北彼此相望天尺五百尺竿頭知更進遺文  
漫道譯陶嶠君不見現山碑湮溪石德業文章至今并壽於  
三楚錢塘梁敦書冲泉云湘春門外鐵佛寺東鑄鐵爲  
浮屠自有此寺有此塔開元經始閣歲祖中遭兵燹廢屢  
近者修建輝佛慮惟畱壞塔若有待將傾一柱猶撐扶召匠  
周遭先撤燬擎天突元洪鍾鑪上鑄皈依發願語下鑄眞言  
繁簡殊判官沙門功德等均出進士董護書歸然柱身尋四  
尺楷法瘦硬消化初我聞乾陀國中佛塔四天王助鐵柱  
驅不具神通不到此快刃況比貌牙齧潭州法刻肇前代清  
化閣帖稱上都怪底法寶最後出瓊椎墨揚堪臨摹李魏公

長沙縣志

卷之三十

古蹟

十一

塔傳鐵冶徒有鏽澀濱江湖劉銀亦欲畱文字沈埋嶺表多  
模糊此柱大書而深刻景龍發性鐘銘如相輪重飾增高廣  
合尖應放光明珠語云能救人一命勝造七級申南膜會子  
湘南權泉事人命至重常躊躇一章羸羸晉宏願聊當識悔  
重歎吁作詩嵌石紀盛舉期與塔柱永不渝一夜走蛟龍徧滿  
何年聚此九州鐵陶鑄陰錫標嶽嶺雷霆一洪鑪啟鑰煙飛  
人天佛光揭憶自法華卓錫初誅茅拓地闢佛廬浮圖七級  
功漸滿擎天獨柱材誰儲冶鐵畱遺唐佛子運肘鸞鳳翔飛  
紫妙憑法力呈圓光丈六全身差比似神工運肘鸞鳳翔飛  
經宣揚花雨香百千歲後佛示寂寶幢遍照畱慈航卽今滄  
桑埋柱礎塔鈴替戾渾無語羅娘窟鼓數消沈馬範龍標迷  
處所恆河沙劫歷幾多一指枯禪體則那是中法寶龍象護  
涓化庚寅蹟不磨我來禮佛登方丈竹雨松風答梵響宛似  
雙林樹下時一佛側臥纏榛莽布金長者化身來程功紀事  
庀百材生花鐵樹手重栽眞如密諦覺路開一波三折垂法  
象閣帖精工相髯髮願臥莊嚴古道場繞指柔參百鍊剛會  
須閣幃得大智松煤揚取摩訶字溧陽王鳴桐岡云丈六  
莊嚴彩雲合寺側尙傾開元塔啟視鐵柱鑄眞言言偈語  
參老衲字蹟淋漓着土花寒色冷翠光禪榻妙諦元奧誰聲  
聞楷法蒼秀誰手鍛唐宋墜緒今錚錚呼工選紙爲摹榻摩  
抄展玩感慨生幾番興廢年華匝層級次第將築成朱闌畫  
檻開且闔光芒隱見嵯峩閒曇花鳥語相引納吉州蘭第



錫素齋云漢使西從大宛返中國伊始聞浮屠大唐元秘多  
寶塔煙銷雨蝕義娥祖此塔亦自開元建長沙城北依精廬  
顏雲鼓霧久不落中藏鐵柱猶支扶佛力神通匪思議元氣  
胚胎天地鑪真言鑄自宋高化元關幽捷瑤函書有如寶樹  
枝低立祥河柱石相涵濡大維鎮壓已千載豈知大匠經營  
初董公書法亦殊絕直與顏柳方駕驅祇今碑版傳唐帖筋  
骨與古殊乖齟硬瘦硬通神有如此光價自合傾南都長繩曳  
入香壇側硬黃終日爭搨摹古來靈物多晚出精光不久淪  
江湖土花周遭今四拭斑駁之色碧模糊歲久字蹟點畫缺  
雙鉤屈鐵誰能如改造斬新表七級琉璃地上摩尼珠鉅公  
嗜古如嗜石入眼袍笏申禮膜鐵中錚錚堪寫照便當砥柱  
無躊躇吾鄉汾水鐵佛寺佛頭鎮壓常驚吁乃知初地願力  
普堅光古色均不喻吳縣石韞玉琢堂云後度風輪經劫  
火至今寶刹枕湘江量沙識盡華嚴字聚鐵鑄成尊勝幢貝  
葉祕藏乃不朽龍文健筆孰能扛蚤知妙法無思議爭奈詩  
魔未肯降余廷燦存吾云欄椽木下琅玕葉榮確石泐雷  
鼓磕高秋黯黯夜雨鳴奇字漏洩山鬼泣鐵柱陰文解駁餘  
湘春門外千尺立有宋涪化鐫鏡初版依發願祛結習道崧  
摹經綴真言董護濡筆森入法依稀年代紀庚寅迢遙守護  
煩丁甲鐵佛莊嚴蓋殘瓦鐵柱突兀支壞塔苔封蘇覆久莫  
窺金簡玉字慳日涉諸佛救世法力宏金界寶藏現目睫佛  
廬斬新跨虚空佛塔除舊先摧拉遂令妙蹟落人間如策元

長沙縣志

卷之三十

古蹟

三

右鐵柱詩甚夥不具錄

揭諦塔在古鐵塔側彌陀殿前高八尺許四方各豎鐵版一  
面各鑄揭諦像四無款識原置古鐵塔中乾隆四十年重修  
移此登砌小塔考府志開元時法華禪師拄錫湘春門外衡  
嶽降神舍鐵造佛法華擲錫卓地得鐵數百鈞鑄佛三塔一  
揭諦像唐鑄無疑

文昌塔府志在長沙三及磯峻巍凌霄一郡華表崇禎時鄉  
紳黃裳吉等共建下有禪院後廢



紫荆山在萬壽宮後前明吉藩堆石成山嵌空磊砢石徑透迤

紫微山縣北五里即古開福寺地黑潦塘繞其後新開河縈其前林木陰翳規制宏廠曇宗勝境

八景臺在驛步門外宋仁宗嘉祐年築宋迪作八景圖僧慧

洪賦詩更名八境陳傅良復舊名建亭於側一日瀟湘夜雨

二曰洞庭秋月三曰遠浦歸帆四曰平沙落雁五曰煙寺晚

鐘六曰漁村夕照七曰山市晴嵐八曰江天暮雪宋米芾瀟湘八景圖

詩有序曰瀟水出道州湘水出全州至永州而合流焉自湖南皆二水所經至湘陰始與沅之水會又至洞庭與巴江之水合故湖之南皆可以瀟湘名若湖之北則漢沔沔湯湯不謂之瀟湘瀟湘之景可得聞乎洞庭南來浩淼沈碧曼嶂層巖綿衍千里際以天宇之虛碧雜以煙霞之吞吐風帆沙鳥出沒往來水竹雲林映帶左右朝昏之氣不同四時之候

長沙縣志

卷之三十

古蹟

三

不一此則瀟湘之大觀也若夫八景之極致則具列於左並系以詩瀟湘夜雨苦竹叢翳鷓鴣哀鳴江雲黯黯江水冥冥翻河倒海若注若傾舞泣珠之淵客悲鼓瑟之湘靈詩曰大王長嘯起雄風又逐行雲入夢中想像瑤臺環珮溼令人腸斷楚江東山市晴嵐徐林端縹緲表縈紆翠舍會菱芡之都來者于于往者徐徐林端縹緲表縈紆翠舍山色紅謝朝暉舒不盈乎一掬散則滿乎大虛詩曰亂峯空翠晴還溼山市嵐昏近覺遙正值微寒堪索醉酒旗從此不須招遠浦歸帆晴嵐映波落霞照水有葉其舟捷於飛羽幸濟洪濤以窳處家人候門觀笑與詩曰漢江游女石榴袞一道歌兩岸聞估客歸帆休悵望閨中紅粉正思君煙寺晚鐘入松門陰生蓮宇杖錫之僧將歸林渚蒲牢一聲緩驚鶴舉幽谷雲藏東山月吐詩曰絕頂高僧未易逢禪味長被白雲封殘鐘已罷寥天遠杖錫時過紫蓋峯魚可鱸有酒可需收綸卷網其樂何如西山之暉在我桑榆詩曰曬網柴門返照新桃花流水認前津買魚沽酒湘江去遠弔懷沙作賦人照洞庭秋月君山南來浩浩滄溟飄風之不起層浪之不生夜氣既清露斯零索娥浴水光蕩金精倒覓裳之清影來廣樂之天聲纖雲不起上下虛明詩曰李白曾移月下仙煙波秋醉洞庭船我來更欲騎黃鶴直上高樓一醉眠平沙落雁霜清木落蘆葦蒼蒼羣鳥肅肅



有列其行或飲或啄或鳴或翔匪上林之不美懼增繳之是  
將雲飛水宿聊以隨陽詩曰書斷衡陽暫此迴沙明水碧岸  
莓苔相呼正喜無矰繳又被孤城畫角催江天暮雪歲  
暮江空風嚴水結馮夷翦冰亂飄酒雪浩歌者誰一篷載月  
獨釣寒潭以寄清絕詩曰蓑笠無蹤失釣船彤雲黯澹混江  
天湘妃獨對君山老鏡裏修眉已皓然余購得李營邱畫  
瀟湘八景圖拜石餘閒逐景撰述主人以當臥遊  
對客卽如攜眺元豐三年夏四月襄陽米芾書

思古臺在臨湘都七甲宋景岑禪師居靜處

紫雲臺在錦繡都楊泗將軍得道處跑馬石遺蹟猶存

葛仙巖在清泰都抱樸子葛洪修道處巖中六合皆石可容  
十餘人上有石長數丈兩抵山隈名仙人橋有洗藥池傳山  
中有藥百種及方竹今俱無有靈濟井農民禱雨祈水輒應  
居民於山下建懷葛亭

靈石巖在烏山巖內石榻石壁有字鐫元時年月山下有寺

長沙縣志

卷之三十

古蹟

古

望母洞在河西都四甲烏山東麓洞深廣數丈武進士劉榮  
躍致仕後嘗居此洞因其母葬山頂獅子口洞門正對母墓  
故名望母洞

棲霞谷通志在縣西述異記湘州棲霞谷昔有喬順二子於  
此得仙服飛龍一丸十年不饑曹丕詩西山有仙童不飲亦  
不食卽此也

霧陽鄉石碑卽古大陽市舊官道田間有一碑上題儀制令  
大陽堦正書六大字作二行字徑七八寸下刻小正書約五  
行字徑寸七八分前二行云賤避貴少避長輕避重去避來  
每行六字後有一行磨滅不可辨又後一行下存縣尉二字  
又後一行下存縣尉吳三字餘皆漫漶未見年月攷宋史孔



承恭傳云嘗疏請令州縣長吏詢訪耆老求知民間疾苦吏治得失及舉令文賤避貴少避長輕避重去避來請詔京邑并諸州於要害處設木牌刻其字違者論如律上皆爲行之則賤避貴云云本係宋初令文碑所題儀制令是也惟傳言設木牌刻其字而据事物紀原則云刻石其說互異今石碑現存豈史傳有誤與

古泉山館金石文編

天華勝境石碑卽古華山在縣北九十里天華山寺內石碑高七八尺鐫天華勝境四大字不署年月及書人姓氏寺前有巨石壁立明嘉靖辛亥青山楊廷相鐫壁窠望麓臺三大字摩崖跋云予嘗讀易此山每遇天朗氣清竚立石上南望嶽麓煙雲縹緲因思靈麓之下湘水之涯予師友在焉庸鐫

長沙縣志

卷之三十

古蹟

五

斯石以志懷也

仙人洞在大賢都三甲石仙庵後洞外摩巖書仙人洞三大字字皆高尺餘有 國初舉人周烈跋語謂周真人福自心福庵來此入洞封閉九月出而火化故名仙人洞其字歲久漫漶同治元年屈澤煥摹刻洞中書仙蹟二大字於洞口又洞外有回頭是岸四大字草法一筆書成高數尺今亦重刻龍洞在錦繡都七甲峽石細衝石佛寺東四里周丈餘洞內倏大倏小凡九層有闊至六七丈者怪石森列或具人形遊者每驚怖而返

圈門在河西都三甲報母橋北明末庠生李大生故居燬於賊僅存門樓一座經二百餘年風雨漂搖巋然尙在蓋因其



母與叔華甫曾殉難於此鬼神默為阿護以表揚節義云今

俗呼其地為圈門灣詳見津梁門

北莊明王侍郎偉隱居處侍郎有北莊清隱八景詩序云北莊去長沙北十里許在桐樹山中

靜室山人之隱居也山自平江發脈至此起十二峰巒左右

拱在峩眉峯下山陰二里許巍然特立以捍水口日鷺羊山

即道家所謂七十二福地之一也愛遠景如嶽麓秀峯湘江

飲之心神灑然山外有湖平濶可煙叢萃樹色微茫登臨矚

清流水陸洲如瓊浮水面滂塘六景予以衰年卜居得此亦

望皆在日閒於是隨義立名為八景予以意淺不足傳諸

復何幸不有賦詠曷抒雅懷詩凡八首辭鄙意淺不足傳諸

大方特寄一時之興云鷺羊福地湖南福地說鷺羊巒

嶂層巒接大荒雲氣四時連嶽麓山形千古捍瀟湘逕危苔

蘇沾衣潤樹老松花滿地香日暮巖城催鼓角平沙驚起雁

行行桐樹名山梧桐會種遍山隈桐死梧枯鳳不來十

二峯巒飛翠遠幾千年地待時開擬於幽處營書屋還傍清

流築釣臺卜此便為終老計名場利府已心灰清泉醒心

香還訪老龍涎靜觀炎暑渾消去掬飲精神頓灑然嗟我久

為塵土客相依終日竟忘還平湖豁目平湖如掌對山

長沙縣志卷之三十

古蹟

去

河納盡瀟湘萬頃波箬笠每來垂釣客蘭橈時聽採蓮歌玉

壺湛露甯由斲寶鏡涵空不用磨試向連珠峯上望滿懷清

思費吟哦嶽麓晴峯雲開嶽麓翠屏張點點峯巒接混

茫遠瞰洞庭雄七澤高標翼軫俯三湘鸞環不讓峩眉秀曲

折還同鳥道長千古桐山相望處好為雲雨救年荒澗塘

煙樹澗塘樹色曉蒼蒼塵土交馳正渺茫十里通衢煙火

雜一灣流水芰荷香穿林啼鳥聲巧競渡行人日日忙暇

想不如拋俗累綠陰深處醉壺觴湘江澄練一梧桐山下

是瀟湘曲折南來遶北莊萬頃波光澄素練一天星彩浸微

芒勢窮今古人何在流盡年華恨更長老我已為疏散客綸

竿時復釣滄浪水陸鋪鹽天生洲渚似鋪瓊界破湘江

在兩邊蟠地鐵根應不朽倚空樓閣尚依然誰開清境雄千

古迴隔紅塵息萬緣儼若印

黑石在澗化都大塘街口巨石臨谿廣數十尺頂方平可坐

臥腹挺孤松虬枝蟠結有泉從石罅出人呼為黑石頭

仙人坐石在大賢都四甲仙人潭下臨深谿相傳有仙人憩

此著膝處痕蹟猶存



虎踏石在大賢都二甲石上爪痕宛然風霜不蝕  
石筍在臨湘都三甲羊牯嶺下土山平行巨石奇特圓削如  
筍

虎巖在臨湘都黎家尖北巖懸山腹怪石嶙峋風雨晦冥時  
聞虎嘯

鹽石在臨湘都五甲梅園霞林寺後石面微窳藤蔓糾結飛  
泉經其上相傳泉出鹽鹵晨起滿石窳中供寺僧一日之食  
僧多不歎僧少不盈後因猾僧竊賣鹽遂絕梅園又有古松  
古槐各一松如偃蓋黛色虬枝敷蔭數畝槐容兩人合抱僅  
存其皮之半敷榮振秀不減常株皆數百年物也

玉阮在臨湘都土梯坳翠微亂石中阮泉怒發聲喧逐震耳

長沙縣志

卷之三十

古蹟

十七

盈水綠光上噴水際一石呈露玉痕點點如潑青翠鮮淨可  
愛上覆巨石如屋羣石羅列支柱游人往觀者率從石罅曲  
折蛇行入惴惴焉懼其壓也左右時見斧鑿痕相傳有人攻  
取輒聞有聲如雷而止

龍井在麻潭山麓泉清而甘深不可測

九鼎府志長沙九鼎俗傳多妄明末嘗見散置 文廟及郡  
土地祠等處范銅爲之高四尺餘三足兩耳質素無款識各  
重二百餘觔雍正八年府學博段海生掘泉澌井得其一今  
府 文廟有古鼎五黝光可鑑皆古物也

鐵鑊府志郡庭有大鐵鑊六各衙門有之獄中亦有約可儲  
水數十石當是積水備災之具非官司煮鹽者亂後多爲奸



胥所毀舊府治大門內尚存其二

按舊府治今改爲學院署

古城壕在縣東一里今城壕形蹟猶存

拱極樓在水陸洲江神廟前

石門在智度山麓稻田中石柱對峙相距六尺有奇高丈許方徑尺餘上一橫石貫之其右柱透一小孔僅容大螳出入去此數十丈又一柱特立相傳兄妹二人修仙約一夜各造石坊先成者上昇雞初鳴妹先成其一柱則兄所爲也俗呼爲石門樓

梳妝亭在黑麋峯巔石壁三方如削高可丈許香草叢生其中相傳爲劉仙姑曉妝處

長沙縣志

卷之三十

古蹟

六

東南西北四古井羅列黑麋峯周真人廟外井水清澈夏日尤寒冽異常中有物如土狗土人呼爲雨虎早年禱雨真人廟者遠近皆來取水供之壇上靈雨輒降閒有並雨虎貯器中攜歸者或中道不見或經宿不知所往此一異也



冢墓附

雍正七年三月奉

上諭自古帝王皆有功德於民雖世代久遠而敬禮崇奉之心不當弛懈其陵寢所在乃神所憑依尤當加意防衛勿使褻慢至於往聖先賢名臣忠烈芳型永作楷模正氣常留天壤其祠宇塋墓亦當恭敬守護以申仰止之忱著各省督撫轉飭各屬將境內有無古昔陵寢祠墓勤加巡視防護稽查務令嚴肅潔淨以展誠恪若有應行修葺之處著動用本省存公銀兩委員料理朕見歷代帝王皆有保護古昔陵寢之飭諭而究無奉行之實朕雍正元年恩詔內卽以修葺歷代帝王陵寢通行申飭亦恐有司相沿積習視爲泛常嗣後著於每年年底令該地地方官將防護無悞之處結長沙縣志卷之三十

古蹟 冢墓

九

報督撫該督撫造冊轉報工部彙齊奏聞倘所報不實一經發覺定將該督撫及地方官分別議處特諭

漢

吳芮墓在縣西北高祖五年封芮爲長沙王卒葬於此水經注臨湘縣北有吳芮冢廣踰六十八尺登臨寓目爲塵郭之佳憩也郭頒世語魏黃初末吳人發芮冢取木於縣立孫堅廟見芮尸容貌衣服並如故吳平後與發冢人於壽春見南蠻校尉吳綱曰君容貌何類長沙王吳芮乎但君微短耳瞿然曰是先祖也自芮卒至發冢四百年至綱又四十餘年矣程唐二姬墓卽雙女墓在東門外漢書長沙定王發列傳發母唐姬故程姬侍者景帝召程姬程有所避不願進而飾侍



者唐兒使夜進上醉不知以爲程姬而幸之遂有身已乃覺非程姬也及生子名發

古初墓漢孝子墓今無考

定王墓通志拾遺長沙定王墓及其母唐姬墓各高三丈週迴三里墓高十八丈其閒相去三丈

五代

楚王馬殷墓在城外東北一帶相傳三千三百六十七冢

按史稱馬殷爲人謹厚卒葬上漢似無此事子希範性奢侈造九龍殿會春園疑冢亦希範所造明王莊疑冢詩云疑冢何勞苦用心沒堆青草獨相尋屈原只葬江魚腹畱得香風直到今

長沙縣志

卷之三十

古蹟

冢墓

三

宋

龔夬兄弟墓在縣城北二里許龔夬仕宋爲諫議大夫與兄奏議明俱以直言斥居嶺表墓石刻曰李子十字碑龔氏二昆志不在繁詞多自可識其意乾道閒諫議子潞迎二柩歸葬此仍刻石立墓前

按趙汝讜提點湖南刑獄表直臣龔夬墓考夬宋瀛洲人而葬於潭當是化州逢赦客死於潭也

明

長沙衛鎮撫王凱墓在縣北明道都螺溪港

兵部侍郎王偉墓在澇塘江秀峯山諭葬成化五年春閏二月遣湖廣布政使司左布政甯瑛等諭祭通議大夫兵部右



侍郎王偉之墓曰爾發身賢科進學翰林歷官郎署屢効勤勞遷亞夏官能聲愈著比罹讒詬退處林泉方圖委任於將來豈意訃聞於中路特命有司爲營葬祭爾靈不昧庶克是歆

布政使司楊守約墓在縣北麻潭山

參政黃翼墓舊志在石寶山府志在大富山通志在縣北羅洋山按大富山卽羅洋山去石寶山十餘里中隔一河志載各異姑兩存之

勅封工部員外郎閻朝京墓在善化七都閻家山

都御史黃寶墓舊志在縣北智度山通志載王寶疑誤

布政使閻邦墓在善化七都羅扶衝祖山有坊

長沙縣志

卷之三十

古蹟

冢墓

三

都御史羅鑒墓在明道都馬橋垵螺溪港

吏部侍郎李棠墓府志在新安鋪人馬衝諭葬萬曆六年三月遣湖廣布政使司分守下湖南道左參議李學禮諭祭通議大夫南京吏部右侍郎李棠之靈曰惟爾資性直諒器識闡明列在部曹忤時遭黜迨賜環於家食遂晉秩於常卿洊歷內臺巡撫南贛倏山賊之弗靖簡甲士以徂征殫厥智謀克平寇亂睠茲嘉績峻陟銓曹力請幽閒倏聞淪謝特頒恩渥諭祭並葬爾靈有知尙其歆服

布政使董策墓在大富山有碑亭并方伯自置牌坊

孝廉楊廷相墓在青山

工部員外郎蕭禹臣墓在鷺羊山



僉事魏煥墓在楊家坊

學士莊天合墓在新開門外

大理寺卿劉宏化墓在縣東飛花橋

按湘潭縣志載康熙中士人羅仙夜夢一人明

衣冠來謁曰吾東林黨人劉宏化也乞君護墓次早聞飛來橋有墓被發羅素服往弔哭鳴之官置盜於法修復其墓又按舊志載飛花橋潭志及通志俱載飛來橋未知孰是

貴州總鎮譚敬承墓在縣北麻潭山

舊有石坊後圯今名牌樓坡子孫多處其下

其妻胡氏墓在河西都黃金園胡家坡敬承自為墓表碑記

戶科給事中廖國遴墓在仙人市

知府徐騰芳墓在臨湘都戴公橋

禮科給事中胡爾愷墓在城北五里楊柳坪

都事楊士魁墓在石株

長沙縣志

卷之三十

古蹟

冢墓

三

國朝

工部尚書趙開心墓在三义磯康熙三年十月奉

聖祖仁皇帝遣湖廣布政使司分守下湖南道參議朱廷家

諭祭資政大夫戶部右侍郎加工部尚書趙開心之靈曰鞠躬盡瘁

臣子之芳蹤恤死報勤國家之盛典爾趙開心性行純良才能稱

職克襄王事厥有勤勞方冀遐齡忽焉長逝朕用憫焉特頒祭葬

以慰幽魂嗚呼聿垂不朽之榮庶享匪躬之報靈如不昧尚其來

歆

知縣周宣武墓在橋頭驛小垣子

鹽運司分司周宣猷墓在莫家衝

工部尚書羅源漢墓在大賢都洋石潭石峯寺後



浙江杭嘉湖道周克開墓在河西都蘊玉山

知府劉暉潭墓在河西都寶山衝

大學士劉權之謚文恪墓在湘潭十二都雙板橋

嘉慶二十四年

御賜碑文朕惟誼周終始黃扉篤念舊之恩禮備哀榮彤史重易名之典爾休致大學士劉權之杏苑蜚聲蓬池延譽屢奉輶軒之使迭充坊局之官鶯遷則廷尉旋除豸繡則中丞洊擢江分南北人才則玉尺親量院列東西卿貳亦瑤林獨秀頻踐華資於顯列早徵隆遇於

先朝朕寅紹乾符申重翼命階崇烏府甲科爰畀以持衡地迴紫垣戊夜復俾之緩轡領東銓而佐治試首善以掄英偶徵密勿之有

長沙縣志

卷之三十

古蹟

冢墓

三

愆仍廁承明而無忝御史府股肱是寄繼總臺綱尚書省喉舌攸司遂從邦政更參閣務還晉宮銜敬掌絲綸飭五材而綜覈慎持筦鑰謹三庫之勾稽給假而遣視專員退休而詔支半俸冀頤晚節遽覩遺章綜厥生平謚曰文恪於戲六十年起家科第流芳遙播於湖湘五千里戀闕悃忱加惠倍優於臺鼎昭茲豐碣迪爾後昆

翰林院檢討兼充三通館纂修官余廷燦墓在涪化都一甲水渡河坪

翰林院編修李象鵠墓在錦繡都四甲九江壩

知府謚昭節楊延亮墓在尊陽都五甲閔家衝

翰林院編修易文基墓在大賢都七甲峙山嶺



江西鹽法道兼巡瑞袁臨道余正煥墓在清秦都影珠山

貴州布政使李象鵬墓在瀏陽門外阿彌嶺

四品卿銜工部員外郎陳本欽墓在涪化都馬鞍鋪東山坡

內

戶部尙書諡文安何凌漢墓在河西都三甲九子嶺凌漢號  
仙槎道州人家寓省垣道光庚子年卒於京師葬長沙有

御

賜碑文朕惟耆彥宣猷允協酬庸之典民功懋賞式隆賜卹之恩

加籙甫薦於雕筵銘鼎永光於幽壤爰頒丹綬載勒青珉爾晉贈  
太子太保原任戶部尙書何凌漢持躬清慎賦質端方三秀呈芝  
草紀登科之瑞一枝簪杏花探及第之榮館政勵清宮僚游陟資  
模範而虎闈齒冑注起居而鸞掖摘毫華資歷踐於五曹蓋職久

長沙縣志

卷之三十

古蹟

冢墓

三

勤夫三輔霜飛白簡法星之柄常昭露渥銀臺卿月之階疊晉領  
班聯於工正克符水部之多才精品藻於人倫尙憶山濤之啟事  
惟賢臣上膺夫簡在宣勞幾徧六官而國計尤重於度支司會聿  
遵九式南北省星槎屢出太史陳風春秋闔月鑑頻操文昌朗曜  
嘉謨入告資啟沃於經筵髦士攸宜藉陶甄於芸館鶴籙式揚鑣  
之度矍鑠堪嘉龍墀虛聽履之聲常參乍隔假朝甫賞遺疏俄聞  
方倚畀之維殷何淪殂之遽告用申悼惜宜備哀榮念臣職之無  
虧節完圭璧錫宮銜而垂眷績著旂常諡以文安象其懿行於戲  
學由古訓立朝思清白之遺寵賁新綸紀石煥書丹之色豐碑屹  
立兌澤欽承

兩江總督諡文恭李星沅墓在河西都七甲魏家衝星沅字



石梧湘陰人咸豐元年卒於廣西武宣營次二年葬有

御賜碑文朕惟馳驅王事致身堪動夫哀矜眷念臣勞賜卹不嫌於優厚既已歆香俎豆自應紀實豐碑爾太子太保銜原任兩江總督李星沅初擢詞垣屢司文柄繼膺郡守洊任封圻溯持節鉞於滇黔曾息干戈於回漢荷

先朝之殊遇遽緣抱疾而辭歸迨嗣服之方新復命來廷而召對不忍拂其養親之志用俾遂其引退之情旋因粵匪跳梁思得舊人秉鉞何意早經出甲逾數月而莫報捷書及乎再議濟師無幾時而遂來遺疏雖失運籌於帷幄未靖妖氛究爲致命於邊疆堪憐勞勩爰錫帑以資夫葬事更頒薄以慰其孝思諡曰文恭易名斯稱逮於後嗣延賞宜推於戲萬里從征特憫舍生之義一勤必錄長沙縣志

卷之三十

古蹟

冢墓

三

悉捐旣往之愆服此溫綸勒諸貞石

雲貴總督諡文毅勞崇光墓在大都九甲愚谿山莊

原名余家灣一

名烏溪橋一名王灣

崇光字星陔善化人同治七年卒於任八

年葬有

御賜碑文朕惟封圻任重聿推經緯之才彝典恩隆不盡苾芬之享緬旂常之永賴銘琬玉而彌昭爰賁絲綸用彰忠藎爾原任雲貴總督勞崇光靖恭涖事精白居心早擅譽於金閨屢持衡以玉尺三年績最恢作郡之鴻猷五袴歌成晉監司之豸繡洎乎桂林陳臬湘浦開藩屬小醜之跳梁統大軍而執訊楚氛力靖加冠而羽曜三霄粵撫榮遷進秩則衣披一品由是頻頒節鉞總制師干懋撫綏於鮫浦羊城鞠躬匪懈資保障於黔江滇



海利濟維殷勤勞揚舞羽之麻苗頑方格倉卒得騎箕之耗蓋  
績難忘軫悼良深褒嘉莫罄諡之文毅符厥生平於戲喜嘉猷  
之不著彤史流徽敷令聞以常新青珉並壽欽哉異命式此豐  
碑

三品卿銜翰林院侍講學士丁善慶墓在北關外響塘衝善  
慶字伊輔清泉人同治八年葬

贈內閣學士諡忠壯黃純熙墓在大賢都八甲朱家衝純熙  
字子春江西鄱陽人咸豐十一年殉難於四川順慶府二郎  
場因家寓長沙遂葬焉同治三年 遣官

諭祭朕惟純臣仗節盡懷彰篤棊之忱盛典褒忠追薦重苾芬之  
祀蓋委質克全乎義烈斯推恩愈示以優隆爾記名道黃純熙

長沙縣志

卷之三十

古蹟

冢墓

美

偉績不昭賢聲卓著當國步艱難之日誓掃欃槍正妖氛猖獗  
之年親臨矢石以文臣而精武畧兵以攻心率勁旅而搗偏師  
賊尤寒膽量沙退敵紓朝廷南服之憂扼險籌防任鎖鑰北門  
之寄惟望成功迅速樹保障於蒼生詎期赴難倉皇標名姓於  
青史而乃兇鋒益肆壯志彌堅勳未集夫鷹揚勢偏驚夫豕突  
煙漫霧漲橫行之逆燄方張月黑風淒深入之孤軍莫救遂至  
身先陷陣心餘葵藿之丹力盡捐軀血染蘅蕪之碧飾終逾格  
備極殊榮既荷

先朝寵錫之恩允宜後世馨香之報用陳酒醴以慰精誠於戲垂竹  
帛而如新遺徽未遠覩旂常而恤舊軫惻殊深爾靈有知尙其  
歆格



補錄

陳征南將軍贈司空諡穆歐陽顥墓在縣境

藝文類聚江總撰墓志

唐國子祭酒兼安南都護御史中丞吳郡張丹墓在縣境

柳宗

元撰墓志銘

邕管招討副使兼貴州刺史南陽鄧某墓在縣境

柳宗元撰墓志銘

五代楚武信軍節度使馬希振墓在長沙之陶浦後唐清泰

中葬

青箱雜記

宋贈刑部侍郎孫成象墓在縣郭下鄉露仙里

劉摯撰墓表公諱成象字

乾曜世家長沙

明封奉政大夫莊如岱墓在縣施家湖

李騰芳撰合葬墓表某月日莊學士得全

葬其父封奉政大夫右庶子兼侍讀少屏公於長沙某里施家湖之原而以母栗宜人祔焉銘其隧石者學士吳公道南

長沙縣志

卷之三十

古蹟

冢墓

三

也表其墓者不佞李某也